



28-02-2022

UPA 2022/123

### Naqqiut

Naqqiut 14. februar 2022-meersoq taarserpaa.

Naqqiummi siunnersuummi taasissutissap allaqqasuani una iluarsissaaq: ” **Justitsministeriamut**” Imatut taarserlugu: ”**Rigsmyndighed-mut**”

Uanngaak:

” **Inatsisartut aalajangiiffigisassaattut siunnersuut Naalakkersuisut peqquneqassasut, Kalaallit Nunaannut aqqusinikkut angallannermut inatsi allanngortinnissaa pillugu Justitsministeriamut saaffiginnissasut, qamuterallannut ingerlatsisinnaanermut 16-nik ukioqarsimanissamut inissinneqarnissaanik.**”

Imatut:

”**Inatsisartut aalajangiiffigisassaattut siunnersuut Naalakkersuisut peqquneqassasut, Kalaallit Nunaannut aqqusinikkut angallannermut inatsi allanngortinnissaa pillugu Rigsmyndighed-mut saaffiginnissasut, qamuterallannut ingerlatsisinnaanermut 16-nik ukioqarsimanissamut inissinneqarnissaanik.**”

28 Februar 2022

UPA 2022/123

Inatsisartut ingerlatsinermut maleruagassaasa § 33 tunngavigalugu Inatsisartunut ukuningga aaliangiiffigisassatut siunnersuuteqarpunga::

**Inatsisartut aalajangiiffigisassaattut siunnersuut Naalakkersuisut peqquneqassasut, Kalaallit Nunaannut aqqusinikkut angallannermut inatsi allanngortinnissaa pillugu Rigsmyndighed-mut saaffiginnissasut, qamuterallannut ingerlatsisinnaanermut 16-nik ukioqarsimanissamut inissinneqarnissaanik.**

(Inatsisartunut Ilaasortaq Jens-Frederik Nielsen, Demokraatit)

### Tunngavilersuut

Nunatsinni qamuterallannik ingerlatsinissamut maleruagassat tamakkiisumik isigalugu Aqqusinikkut angallannermut Inatsimmiipput. Uani allaqqavoq qamuterallannik ingertassagaanni 18-nik ukioqaqqaarsimasariaqartoq<sup>1</sup>. Poliitiilli periarfissaqarput immikkut akuersissummik tunniussaqaassallutik qamuterallannik ingerlatsineq nunalerinermut inuussutissarsutigaluguluunniit piniarnermut 16-nik ukiulinniit atorineqarpata.

---

<sup>1</sup> Jf. § 18, stk. 1, i Færdselsloven for Grønland



Demokraatit takorusuppaat Kalaallit Nunaanni aqqusinikkut angallannermut inatsi allangortinneqassasoq ima, 16-nik ukiullit tamarmik qamuterallannik ingerlatsisinnaangorlugit. Uani eqqartorneqarpoq maleruagassat atuussimasunut uteqqinnissaq, Kalaallit Nunaanni aqqusinikkut angallannermut inatsi 2008-mi allangortinneqannginneranut inisseqqinneq<sup>2</sup>.

Inatsisartut Kalaallit Nunaanni angallannermut inatsi Ukiaanerani ataatsimiinnermi 2006-mi allanguutissatut siunnersuut suliarisimavaat<sup>3</sup>, isumaqatigiissutigineqarlunilu ukioqqortussuseq 18-nnut qaffanneqassasoq. Uani tunngavilersuutigineqarsimavoq politiit naalagaat nalilersimammagu qamuterallannik ingerlatsineq inoqarfinnut akornusersuilersimammat, aammalu inuusuttuunerusut mianersoratik ingerlasarnerat, tassuunatigullu sukkaniunnerit assigisaanillu ingerlatsinerit ajornartorsiummut tunngavilersuutigineqarsimallutik.

Demokraatiskiusumi pingaartuuvoq siornatigut aalajangiinerit naliliinerillu nalilersoqqittuassallutigut ilumut ullutsinnut tulluunnersut. Taamaattumillu nammineq aperisariaqarpugut ilumut pissusissamisoornerasoq 00'kunni inuusuttut pissusissamisuunngitsumik qamuterallannik ingerlatsisimanerat maanna pillaatigineqassanersoq? Demokraatiniit isumaqarpugut taamaattariaqanngitsaq.

16-nik ukiullit akisussaassuseqartutut isigaagut. Qaalunaat Nunaanni najugaqartuuppata knallertinik ingerlatsinissaminnut pisinnaatitaaffeqassagualarput. Maani nunatsinni qamuterallannik ingerlatsinissamut pisinnaatitaaffeqassasut isumaqarpugut. Naalakkersuisuniit partiit sinneriniillu immersuutissanik qilanaarpunga.

#### **Pisortanut aningaasatigut allaffissornikkullu kingunissai**

Siunnersuut Namminersorlutik Oqartussat aningaasartuuteqarnerulersinnaviangilai, allaffissornikkullu nukiit atorineqartut siunnersuutip piviusunngortinneqarnissaanut atorfiluup ukiumut suliarisartagaasa affaat sinnissagaa ilimagineqanngilaq.

#### **Namminersorlutik inuussutissarsiuteqartunut aningaasatigut allaffissornikkullu kingunissai**

Soqanngilaq.

#### **Innuttaasunut aningaasatigut allaffissornikkullu kingunissai**

Soqanngilaq.

---

<sup>2</sup> <https://www.retsinformation.dk/eli/ft/200723L00095>

<sup>3</sup> UKA2006/47